


lam vivis 3 kapraj fratoj.  
La plej eta nomiĝis *Haruleto*,  
la meza nomiĝis *Vilulo*  
kaj la plej granda nomiĝis *Barbulo*.





*Jen tago kiam ili ekiris al la monto,  
la monto kie la herbo estas treege alta  
kaj multe pli bongusta ol ie ajn.*

*Sed por atingi ĝin,  
ili devas transiri torenton.  
Kaj por transiri tiun ĉi torenton,  
il devas pasi sur ligna ponto...*







*kaj sub tiu ĉi ligna ponto  
vivis trolo.*

*La plej terura el la troloj!*

*Grandajn okulojn, rondajn kiel butonoj.  
Nazon, longan kiel bastono.  
Tiu trolo ankaŭ havis ventregon.  
Kaj, kiuj pasis sur la ponto,  
tiujn li tuj manĝis krude.*



*Kiam la tri kaproj ekvidis  
la ponton, Barbulo haltis  
kaj diris:*

*- Atentu!*

*Danĝeras ĉi-sube;*

*mi klarigos al vi tion,  
kion ni devas fari, bone aŭskultu...*



*La du aliaj bone aŭskultis  
kaj jen Haruleto  
kiu antaŭenpaŝas sole sur la ponto:  
trip, trap, tri trap...*



- *Hola! diras la trolo,  
kiu trotras kaj hufas sur mia ligna ponto?*

- *Mi estas Haruleto, la malgranda kapro, mi iras al la monto  
kie la herbo estas treege bongusta...*

- *Tio ege mirigus min,  
ĉar mi tuj manĝos vin!*

- *Ne, Trolo, ne manĝu min! mi estas tre malgrasa.  
Prefere atendu mian fraton kiu venas post mi,  
tiu estas dika kaj grasa.*

- *Se tiel estas, diras la trolo,  
foriru, mi preferas  
manĝi vian fraton.*





*Kaj jen Vilulo  
kiu antaŭenpaŝas sole sur la ponto:  
trip, trop, trip, trop...*

*- Hola! diras la trolo,  
kiu trotras kaj hufas sur mia ligna ponto?*

*- Mi estas Vilutlo, la frato de Haruleto, diras la meza kapro,  
mi iras al la monto kie la herbo estas treege bongusta...*

*- Tio ege mirigus min, ĉar mi tuj manĝos vin!*

*- Ne, Trolo, ne manĝu min! Mi ankoraŭ ne estas sufiĉe peza.  
Prefere atendu mian fraton kiu venas malantaŭe, tiu estas dika kaj grasa.*

*- Se tiel estas, diras la trolo, ankaŭ vi foriru,  
mi preferas manĝi vian fraton.*





*Kaj jen Barbulo  
kiu antaŭenpaŝas sole sur la ponto:  
trip, trup, trip, trup!...*

*- Hola! diras la trolo, kiu trotras kaj hufas sur mia ligna ponto?*

*- Mi estas Barbulo, la frato de Vilulo, diras la granda kapro,  
mi iras al la monto kie la herbo estas treege bongusta...*

*- Tio ege mirigus min, ĉar mi tuj manĝos vin!*

*- Fia trolo, diras Barbulo, se vi tiel pensas,  
vi alproksmiĝu, kaj ni vidos tion, kio okazos.*



La kolera trolo suriris la ponton,  
sed Barbulo ne estis duono de kapro:  
li alĵetiĝis antaŭen, trapikis la ventron de la trolo,



kaj per granda hufbato,  
li faligis lin en la akvon,  
*plaŭd!*




*Poste, Barbulo rekuniĝis en la alia flanko kun Haruleto kaj Vilulo.*

*Ili iris al la monto*

*kie la herbo estas treege bongusta.*

*Ili tiel paŝtiĝis*

*ke ili iĝis dikaj kaj grasaj...*







*Kaj se de tiam ilia grasaĵo ne fandiĝis,*

*ili ankoraŭ estas same **dikaj**.*

La historio de la tri kaproj, kiuj fuĝas la trolon unu post la alia, estas norvega popola fabelo.

La folkloristoj Peter Christen Asbjørnsen kaj Jørgen Moe publikigis ĝin unuafoje en 1843.

Traduko el la franca de Emmanuel Debanne.

Taŭgas for infanoj ekde 3 jaroj.